

## Universitätsbibliothek Paderborn

**Disputationum// Roberti Bel-/Iarmini Politiani,// Societatis  
Iesv// De Controversiis// Christianae Fidei, Adver-/sus  
huius temporis Haereticos,// Tomus ...**

De Sacramento Evcharistiæ - Sex Libris Explicata

**Bellarmino, Roberto Francesco Romolo <Heiliger>**

**Ingolstadii, [1589]**

**VD16 B 1603**

X. Quarta ætas Ecclesiæ ab anno Domini CCC. ad CD. Testimonium Nicæni  
Concilij.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

Iam ad illa tria, quæ ex Cypriano colligebant aduersarij, nullo negotio responderi potest. Ad PRIMVM dico, vinum debere esse in calice, saltem quoad accidentia, ut diximus, quia per ea sanguinem ostendit. Ad SECUNDVM dico, sanguinem Domini vino significari, sed præsentem in calice, non absentem. Nam ut ex Cypriano audiuimus, quod est in calice, vinum dicitur per similitudinem, sanguis autem est per proprietatem, & is sanguis, quo redempti sumus. Ad TERTIVM dico, comparationes non in omnibus rebus conuenire debere. Quare licet dicat Cyprianus per vinum significari sanguinem, per aquam populos: non tamen inde coligi debet, in omnibus pares esse populos, & sanguinem Domini, ut si sanguis verè in calice sit, ibi etiam populos esse porteat. Nam alioqui sanguis Domini significatur ut pre-cium, & ut potus, populi autem non ita significantur: & de-nique principaliter in Eucharistia repræsentatur corpus, & sanguis Domini, secundariò autem populi. Ac de Cypriano hactenus.

## CAPVT DECIMVM.

QVARTA ætas Ecclesiæ ab anno Domini CCC. ad CD.

## Testimonium Nicæni Concilij.

**S**E QVITVR nunc ætas Ecclesiæ QVARTA, in qua habemus duodecim insignia testimonia, videlicet Nicæni I. Concilij, Athanasij, Hilarij, Cyrilli Hierosolymitani, Ambrosij, Basilij, Oprati, Gregorij Nysseni, Gregorij Nazianzeni, Ephrem, & Epiphanij. Ac PRIMVM exstat testimonium NICÆNI Concilij I. in Actis eiusdem Concilij in Vaticana Bibliotheca his verbis: Iterum essam hic in diuisna mensane humiliter intenti sumus ad propositum panem, & calicem, sed artollentes mentem fidei intelligamus statim in sacra illa mensa agnum illum Dei, tollentem peccata mundi, incurante a sacerdotibus immolatum, & preciosum ipsius corpus, & sanguinem verè nos sumentes credere hoc esse nostra resurrectionis symbola: propter hoc enim neq; multum accipimus, sed parum, ut sciamus non ad satietatem, sed ad sanctificationem sumi.

Hoc

Hoc testimonium agnoscunt etiam aduersarij, vt Iohannes Oecolampadius in Dialogo cum Nathanaele, Iohannes Caluinus lib. 4. Instit. cap. 17. §. 36. Petrus Boquinus in libro de cona Domini contra Hesbusum, VVilhelmus Klebitius in libro de victoria veritatis in solutione 3. argumenti: ac nitetur ipsis grauissimum hoc testimonium ad suam hæresim fribiliendam trahere, quasi Concilium admoneat, vt non quaramus Christi corpus in sacra mensa sub speciebus panis, sed in cœlum mente concendamus, atq; ibi fide Christi corpus comedamus. SED falluntur apertissimè. Iubet enim Concilium, vt non hæreamus in speciebus panis, & vini, quasi nihil ibi sit, nisi quod oculi nobis renunciant, sed fide intelligamus ibi verè esse corpus Christi, licet corporalibus oculis non videatur.

Hanc esse Concilij sententiam, ita probari potest. PRIMO quoniam Concilium, postquam dixerat non humiliter representandum esse in pane, & vino, sed mentem attollédam; adiungit, fide conspiciendum agnum Dei situm in sacra mensa. Debuisset autem secundum aduersarios dicere, fide conspiciendum esse Christum in cœlo ad dexteram Patris. Vult igitur Concilium, vt ad ipsam mensam attendamus, sed in ipsam symbola externa, quam quod sub ipsis latet confidimus. Klebitius per sacram mensam intelligit cœlum; dicit enim, Concilium velle, vt in cœlesti mensa, non in altari lapideo, agnū Dei quaramus. At fallitur apertissimè. Nam Concilium in eadem diuina, & sacra mensa ponit symbola panis & vini, in qua ponit agnum Dei, vt patet ex primis verbis: *in diuina mensa ne humiliter intenti simus ad propositum pñrem.* Atqui symbola panis non sunt in cœlo, sed in altari. PIDEO: ergo diuina mensa non est cœlum, sed altare in terra. AC ne forte dicant in altari esse corpus Christi significatum. Concilium velle, vt non attendamus ad symbola, quatenus sunt res materiales, sed quatenus Christum repræsentantur, didit Concilium illam particulam, *situm.* Cùm enim dicunt agnum Dei situm esse in sacra mensa, & eundem agnum in symbolis; manifestè declarat, agnum Dei vere & proprie, ac reipsa esse in mensa, & non solum quatenus per symbola repræsentatur.

SECUNDО idem probatur ex eo quod Concilium dicit agnum Dei in sacra mensa à sacerdotibus immolari; nam per agnum

agnum omnes intelligunt ipsum Christum, ut distinguitur contra symbola, quem aduersarij solum in cœlo esse dicunt. At non potest manibus sacerdotum immolari, si tantum est in cœlo; neque enim tam longas manus habent sacerdotes, ut ad cœlum pertingant.

TERTIO probatur ex illis verbis: *Preciosum corpus eius nos verè sumentes. Quorsum enim illud, verè, nisi ut opponatur figuræ? At, inquit, nos verè sumimus corpus Domini, sed corde, non corpore. Sed repugnant verba sequentia, ubi symbola resurrectionis nostræ dicuntur corpus, & sanguis Domini. Quia enim mortalia corpora nostra cum immortalis corpore Domini verè cōiunguntur; inde aptissimè significatur futura corporum nostrorum resurrectio: si autem sola esset coniunctio animorum cum corpore Domini, solus animus resurrecturus significaretur.*

## CAPVT XI.

## Testimonium S. Athanasij.

**S**ANCTVS ATHANASIVS, qui ipso tempore Nicæni Concilij floruit (quippe qui eidem Concilio interfuit) citatur à Theodoreto in 2. Dialogo in hæc verba: *Corpus est, cui dicit; Sede à dextris meis, cuius etiam fuit inimicus Diabolus cum malis potestatus, & Iudas, & Greci, per quod corpus Pontifex, & Apostolus fuit, & dictus est per id quod nobis tradidit, mysterium, dicens: Hoc est corpus meum, quod pro vobis frangitur, & sanguis nouri Testamenti, non veteris, qui pro vobis effunditur. Divinitas autem, neque corpus habet, neque sanguinem. Hæc citantur ex oratione de fide, quæ etsi fortasse nunc non existet, tamen sufficit Theodoreti testimonium, ut non dubitemus hæc verba esse S. Athanasij. Porro in hoc loco probare vult Athanasius, Christum verum corpus habuisse, & non solam in eo fuisse veram diuinitatem, sed veram etiam carnem. Id autem probat, quia Christo dicitur à Patre: *Sede à dextris meis; sedere autem in certo loco, non diuinitati, sed corpori conuenit. Item probat ex eo, quod Christus ut Pontifex, & sacerdos corpus suum obtulit, & tradidit nobis, cùm ait: Hoc est corpus meum. Vbi si non verum, & propriè dictum corpus intelligerer Athanasius, hæreticis fuereret, quos oppugnabat: illi**

M m      enim